

采菽堂古詩選

采菽堂古詩選卷之三十一目次

北魏

孝莊帝

臨終詩

中山王熙

絕命詩

韓延之

贈中尉李彪

劉昶

斷句

蕭綜

聽鍾鳴

悲落葉

高允

答宗欽十三章

詠貞婦彭城劉氏八章

宗欽

贈高允十二章

胡叟

示程伯達

王肅

悲平城

祖瑩

悲歎城

王肅妻謝氏

贈王肅

陳留長公主

代答詩

常景

讚司馬相如

讚王褒

讚嚴君平

讚楊雄

鹿念

古詩選

北魏

諷真定公

董紹

高平牧馬詩

馮元興

浮萍

陽固

刺讒詩

疾倖詩

李騫

贈親友

溫子昇

燉煌樂

涼州樂歌二首

禱衣

從駕幸金甌城

詠花蝶

相國清河王挽歌

北齊

郊廟歌辭

南北郊迎神高明樂

南北郊送神高明樂

明堂祀五帝迎神高明樂

明堂祀五帝送神高明樂

享廟送神高明樂

燕射歌辭

元會大饗歌二首

邢劭

思公子

三日華林園公宴

冬夜酬魏少傅直史館

冬日傷志篇

七夕

齊韋道遜晚春宴

魏收

永世樂

權歌行

挾琴歌

晦日汎舟應詔

祖珽

從北征

望海

挽歌

裴讓之

公館讌酬南使徐陵

裴訥之

鄴館公讌

劉逖

對雨

秋朝野望

浴溫湯泉

高昂

贈弟季式

鄭公超

送庾羽騎抱

楊訓

羣公高宴

袁吏

從駕遊山

荀仲舉

銅雀臺

蕭愨

上之回

和崔侍中從駕山寺

屏風

秋思

春日曲水

陽休之

春日

秋詩

顏之推

神仙

古意二首

和陽納言聽鳴蟬篇

趙儒宗

詠龜詩

馮淑妃

感琵琶絃

采菽堂古詩選

卷之三十一

虎林陳祚明胤清父評選

北魏

孝莊帝

初姓拓拔氏文帝改姓元氏莊帝諱子攸彭城王勰第三子明帝時封武城縣公進封長樂王明帝崩大都督弒朱榮謀廢立以帝家有忠顯且兼人望立爲帝改元永安後爲弒朱兆所弒年二十四廟號敬宗

臨終詩

帝旣諫弒朱榮右僕射弒朱世隆至高都立長廣王曄爲主遣潁川王弒朱兆舉兵向京師大軍失利遂執帝還晉陽縊於三級寺帝臨崩作五言詩曰

權去生道促憂來死路長懷恨出國門含悲入鬼鄉

隧門一時閉幽庭豈復光思鳥吟青松哀風吹白楊

昔來聞死苦何言身自當

其情與語頗類漢諸王悲歌結句拙然固健且哀

中山王熙

字子真景穆帝之曾孫中山王英之子累遷光祿勳湘州刺史初熙兄弟並為

清河王擇所昵及劉騰元又隔絕二宮矯詔殺擇熙乃起兵討之為其長史柳元章等所執又

之殺

絕命詩

平生方寸心殷勤屬知己從今一銷化悲傷無極已

右別知友北史本傳曰熙既藩王加有文學風氣甚高始鎮鄴知友才學之士袁翻李琰之李神雋王誦兄弟裴敬憲等或餞於河梁賦詩告別及將死復與知故書恨志竟不遂時人矜之○情真語不覺感人

韓延之

字顯宗南陽堵陽人仕晉位平西府錄事參軍劉裕招之不屈後奔姚興明帝泰常

二年入魏為武牢鎮將賜爵魯陽侯一云韓顯宗字茂親

贈中尉李彪

賈生謫長沙董儒詣臨江愧無若人跡忽尋兩賢蹤
追昔渠閣遊策駑厠羣龍如何情願奔飄然獨遠從
痛哭去舊國銜淚屈新邦哀哉無援民嗷然失侶鴻
彼蒼不我聞千里告志同

情真雖直率
自使人悲

劉昶

字休道宋文帝第九子封晉熙王位中書令
廢帝立以爲徐州刺史人間言昶有異志帝

欲加誅討昶卽起兵統內數郡無應者知事不
捷乃奔魏甚爲孝文所禮重遷使持節都督吳

越彭楚諸軍事大將
軍鎮徐州卒諡曰明

斷句

昶兵敗奔魏棄母妻惟攜妾一
人騎馬自隨在道慷慨爲斷句

白雲滿鄣來黃塵暗天起關山四面絕故鄉幾千里

亦是
真情

蕭綜

字世謙梁武帝第二子封豫章王昔同四年為都督南兗州刺史鎮彭城奔魏歷司徒太尉尚壽陽公主在魏不得志嘗

作聽鍾鳴悲落葉以申其志

聽鍾鳴

歷歷聽鍾鳴當知在帝城西樹隱落月東窻見曉星
霧露肫肫未分明烏啼啞啞已流聲驚客思動客情
客思鬱縱橫翩翩孤雁何所棲依依別鶴半夜啼今
歲行已暮雨雪向淒淒飛蓬旦夕起楊柳尚翻低氣
鬱結涕滂沱愁思無所託強作聽鍾歌
洛陽城東建陽里有臺高三丈上作二精舍有鍾撞之聞五十里太后移在宮內置疑間堂初梁豫章王蕭綜聞此鍾聲遂造聽鍾

歌三首行於世
○愁緒纏綿

悲落葉

悲落葉聯翩下重疊重疊落且飛縱橫去不歸長枝
交蔭昔何密黃鳥關關動相失夕葉雜凝露朝花翻
亂日亂春日起春風春風春日此時同一霜兩霜猶
可當五晨六旦已颯黃乍逐驚風舉高下任飄颺悲
落葉落葉何時還夙昔共根本無復一相關各隨仄

土去高枝難重攀

此首託興更爲警切
情至之作自然酸楚

高允

字伯恭渤海蓆人神麀初叅樂平王軍事獻
文末授懷州刺史太和二年拜鎮軍大將軍

領中祕書事加光祿大夫歷事五
帝出入三省五十餘年初無譴咎

答宗欽十三章

高允爲著作郎與崔浩同撰史宗欽贈詩以相規諷允答之云

云後崔浩竟坐暴揚國惡與宗欽同被誅允以太子救得免

湯湯流漢藹藹南都載稱多士載耀靈珠邈以高族
世記丹圖啓基郢城振彩涼區

吾生朗到誕發英風紹熙前緒奕世克隆方圓備體
淑德斯融望傾羣雋響駭華戎

響駭伊何金聲允著匡贊西藩拯厥時務肅志琴書
恬心初素潛思淵渟秀藻雲布

上天降命祚鍾有代協耀紫宸與乾作配仁邁春陽
功隆覆載招延隱叟永貽大賚

伊余櫟散才至庸微遭緣幸會忝與樞機竊名華省
廁足丹墀愧無螢燭少益天暉

明外非諭信漸難兼體卑處下豈日能謙進不弘道
退失淵潛旣慙朱闕亦愧閭闔

史班稱達楊蔡致深負荷典策載蹈於心四轍同軌
覆車相尋敬承嘉誨永佩明箴

遠思古賢內尋諸已仰謝丘明長揖南史遐武雖存

高縱難擬夙興夕惕豈獲恬止

就宗詩條答
義更宏暢

世之圯矣靈運未通風馬殊隔區域異封有懷西望
路險莫從王澤遠灑九服來同

在昔平吳二陸稱寶今也尅涼吾生獨矯道映儒林
義爲羣表我思與之均於紵縞

仁乏田蘇量非叔度韓生屬降林宗仍顧千載曠遊
邁茲一遇藻詠風流鄙心已悟

年時迅邁物我俱逝任之斯通擁之則滯結駟貽塵
屢空亦傲兩間可守安有回賜卓有
名理

詩以言志志以表丹慨哉刎頸義以中殘雖曰不敏
請事金蘭爾其勵之無忘歲寒皎皎述懷
風旨雅潔

詠貞婦彭城劉氏八章

渤海封卓妻劉氏彭城
人成婚一夕卓官於京

師以事見法劉氏在家忽感異夢知卓已死
哀泣不止經旬凶問果至遂憤歎而終時人

比之秦
嘉妻云

兩儀正位人倫肇
甄爰制夫婦統業承
先雖曰異族氣猶自然
生則同室終契黃泉

封生令達卓爲時彥
內協黃中外兼三變
誰能作配克應其選
實有華宗挺生淑媛

京野勢殊山川乖互
乃奉王命載馳在路
公務旣弘私義獲著
因媒致幣遵止一暮

率我初冠眷彼弱笄
形由禮比情以趣諧
忻願難常影跡易乖
悠悠言邁戚戚長懷

時值險屯橫離塵網
伏鑕就刑身分土壤
千里雖遐

應如影響良嬪洞感發於夢想

仰惟親命俯尋嘉好誰謂會淺義深情到畢志守窮
誓不二醮何以驗之殞身是效

人之處世孰不厚生心存於義所重則輕結憤鍾心
甘就幽冥永捐堂宇長辭母兄

茫茫中野翳翳孤丘葛藟冥蒙荆棘四周理苟不昧
神必俱游異哉貞婦曠世靡儔爽筆抒寫雖直致無
波瀾而情事已盡後

二章
亦哀

宗欽

字欽若金城人仕沮渠蒙遜爲中書郎
世子洗馬太武平涼州入魏拜著作郎

贈高允十二章

有書○昔皇綱未振華裔殊風
九服分隔金蘭莫遂希懷寄契

遙想積久天遂其願爰邁京師才非季札而
眷深孫僑德垂程子而義均傾蓋曠齡罕遇
會之一朝比公私理異訓諮路塞端躬蓬宇
歎慨如何不量鄙拙衷詩數韻若夫泉江相
忘之談遺言存意之美雖莊生之所尚非淺
識所宜循愛敬既深情期往返思遲德意以
祛鄙吝若能紆鳳彩以擢榛蕪
迴連城以映堯禔者是所望也

巍巍恒嶺滉滉滄溟山挺其和水燿其精啓茲令族
應期誕生華冠衆彥偉邁羣英

於穆吾子含貞藉茂如彼松竹陵霜擢秀味老思冲
翫易禮復戢翼九臯聲溢宇宙

我皇龍興重離疊映剛德外彰柔明內鏡乾象奄氣
坤厚山競風無殊音俗無異徑

經緯曰文著述曰史斟酌九流錯綜幽旨帝用訓詁
明發虛擬廣闢四門披延髦士

爾應其求翰飛東觀口吐瓊音手揮霄翰彈毫珠零
落紙錦粲墳無凝割典無滯泮

山降則謙含柔爲信林崇日漸明升斯進有邈夫子
兼茲四慎弱而難勝通而不峻

南董邈矣史功不申固傾佞寶雄穢美新遷以陵腐
邕由卓泯時無逸勒路盈摧輪

尹秩謨周孔明述魯抑揚羣致憲章三五昂昂高生
纂我遐武勿謂古今建規易矩

自昔索居沈淪西藩風馬旣殊標榜莫緣開通有運
閣遇當年披衿誓面定交一言

諮疑秘省訪滯京都水鏡叔度洗吝田蘇望儀神婉
卽象心虛悟言禮樂採研詩書

履霜悼遷撫節感變嗟我年邁迅踰激電進乏由賜
退非回憲素髮掩玄枯顏落蓓

文以會友友由知己詩以明言言以通理盼坎迷流

覲艮閣止伊爾虬光肆鱗曲水

款款有深規而曾未
朗鑿禍源同歸大戮

何也詩固
修雅入情

胡叟

字倫許安走臨涇人以姚氏將衰遂入長安
觀風化後入沮渠牧犍不得志乃歸魏賜爵

復始男家
於密雲

示程伯達

粵入沮渠牧犍收犍遇之不重粵乃為詩示所知廣平程伯達其略曰

羣犬吠新客
佞暗排疎賓
直途既已塞
曲路非所遵
望衛惋祝鮀
盼楚悼靈均
何用宣憂懷
託翰寄輔仁

懷來顯遂押輔
仁韻質中之雅

王蕭

字恭懿琅邪臨沂人仕齊為祕書丞父奂及兄弟並為南齊武帝所殺太和中奔魏孝文

虛襟待之累遷尚書令宣武時尚陳雷公主後以破齊進位開府儀同三司封昌國縣侯揚州

史刺

悲平城

悲平城驅馬入雲中
陰山常晦雪荒松
無罷風

祖瑩

字元珍范陽道人孝文時拜太學博士累遷國子祭酒領給事黃門侍郎孝武登祚封文

安縣子天平

初進爵爲伯

悲彭城

尚書令王肅於省中詠悲平城詩彭城王總甚嗟其美欲使更詠乃失語云公

可更爲誦悲彭城詩肅戲劄云何意呼悲平城爲彭城也總有慙色瑩在座卽云悲彭城

王公自未見肅云可爲誦之瑩應聲爲之肅甚嗟賞總亦大悅

悲彭城楚歌四面起屍積石梁亭血流睢水裏

王肅妻謝氏

贈王肅

洛陽城南正覺寺尚書令王肅所立也肅在江南娶謝氏女及至京師復尚公

主其後謝氏爲尼來奔作詩贈肅公主亦代肅贈謝肅聞之甚恨遂造正覺寺以憩之

本爲箔上蠶今作機上絲得絡逐勝去頗憶纏綿時

輒似子夜歌自言
其情尤爲悽惋

陳畱長公主

代答詩

鍼是貫紳物目中常
絰絲得帛縫新去何
能衲故時
便爾何捷亦
是情不能耐

常景

字永昌河內澀人孝文用爲門下錄事遷車騎將軍右光祿大夫祕書監

讚四君

景淹滯門下積歲不至顯官以蜀司馬相如王哀嚴君平揚子雲皆有高才而

無重位乃託意以讚之

長卿有豔才直致不羣性鬱若春烟舉皎如秋月映
遊梁雖好仁仕漢常稱病清貞非我事窮達委天命

後四語有作
意六句尤佳

右司馬相如

王子挺秀質逸氣干青雲明珠既絕俗白鶴信驚羣
才世苟不合遇否途自分空枉碧雞命徒獻金馬文

後四語
亦悲

右王裒

嚴君性沈靜立志明霜雪味道綜微言端著演妙說
才屈羅仲口位結李強舌素尚邁金貞清標凌玉徹

右嚴君平

蜀江導清流楊子挹餘休含光絕後彥覃思邈前修

世輕久不賞，玄談物無求。當塗謝權寵，置酒得閒遊。

結有逸韻。○五詩皆自寓用意多。風體是五君詠之遺類，亦蒼警。

右楊雄

鹿念

字永吉，濟陰乘氏人。初爲真定公元子直國中尉，累拜金紫光祿大夫兼尚書右僕射。天

平中除梁州刺史，爲友者鄭榮業執送關西。

諷真定公

念爲真定公元子直國中尉，恒勸以忠廉之節。嘗賦五言詩云：云子直少

有令聞，念欲善其終，故以諷焉。

援琴起，何調幽蘭與白雪。絲管韻未成，莫使弦響絕。

從物託諷猶有詩人遺風。

董紹

字興遠，新蔡劔陽人。起家四門博士，遷洛陽刺史。亦朱天光啓以爲行臺從事。天光敗，賀

拔岳復請爲開府諮議叅軍孝武西遷除
御史中丞及周文登祚以議論朝廷賜死

高平牧馬詩

紹爲賀拔岳諮議叅軍岳攜紹
於高平牧馬紹悲而賦詩曰

走馬山之阿馬渴飲黃河寧謂關下復聞楚客歌

馮元興

字子盛東魏郡肥鄉人少有操尚舉秀才
後爲元又所知引爲殿中郎遷侍讀普泰

初爲光祿大夫
領中書舍人

浮萍

元興世寒囚元又之勢託其交道相爲引
用又賜死興亦被廢乃爲浮萍詩以自喻

有草生碧池無根綠水上脆弱惡風波危微苦驚浪

元魏詩多直述性情真率之詞無非苦調如
秋深氣凜剝有寒蟲間作悲鳴凍響淒澀

陽固

字敬安北平無終人太和中從大將軍劉昶
府法曹行叅軍在軍勇決昶奇之言之孝文

累遷尚書侍御史明帝卽位除尚書考功郎中
京兆王繼爲司徒辟固爲從事中郎解除前軍

將軍卒
諡曰文

刺讒詩

宣武末中尉王顯當權固每直言其過以此銜固又有人間之顯因奏固免官

遂闔門自守作刺

讒疾詩二首

巧佞巧佞讒言興兮營營習習似青蠅兮以白爲黑
在汝口兮汝非蝮蠱毒何厚兮巧佞巧佞一何工矣
伺間伺忿言必從矣朋黨噂喑自相同矣浸潤之譖
傾人墉矣成人之美君子貴焉攻人之惡君子愧焉
汝何人斯譖毀日繁子實無罪何騁汝言番番緝緝
讒言側入君子好讒如或弗及天疾讒說汝其至矣
無妄之禍行將及矣泛泛遊鳧弗制弗拘行藏之徒

或智或愚維余小子未明茲理毀與行俱言與覺起
我其懲矣我其悔矣豈求人兮思怨在已

淋瀝曲暢
調亦以自

然爲
貴

疾倖詩

彼諂諛兮人之蠹兮刺促昔粟罔顧恥辱以求媾兮
邪干側入如恐弗及以自容兮志行偏小好習不道
朝挾其車夕乘其輿或騎或徒載奔載趨或言或笑
曲事親要正路不由邪徑是蹈不識大猷不知話言
其朋其黨其徒實繁有詭其行有佞其音蘧蔭戚施
邪媾是欽旣讒且妒以逞其心是信是任亂是

北史
作敗

其以多其始不慎末如之何習習宰嚭營營無極梁

丘寡智王鮒淺識伊戾息夫異世同力江充趙高甘

言似直豎刁上官擅生羽翼乃如之人僭爽其德豈

徒喪邦又亦覆國嗟爾中下其親其昵不謂其非不

覺其失好之有年寵之有日我思古人焉如疾百

凡君子宜其慎矣覆車其鑒近可信矣言既備矣事

既至矣反是不思維塵及矣

備極淋漓憂邦
疑當作喪身

李騫

字希義趙郡平棘人位散騎常侍尚
書左丞使梁坐事免後除黃門侍郎

贈親友

騫爲尚書左丞坐免論者以爲非
罪騫嘗贈親友盧元明魏收詩

幽棲多暇日總駕萃荒坰南瞻帶宮雉北睇拒畦瀛

流火時將末懸炭漸云輕寒風率已厲秋水寂無聲
層陰蔽長野凍雨暗窮汀侶浴浮還沒孤飛息且驚
三禡俄終歲一丸曾未營閒居同洛渙歸身款武城
稍旅原思藿坐夢尹勤荆監河愛斗一作升水蘇子借

餘明益州達友趣廷尉辯交情豈若忻蓬華收志偶

沈冥

結句翻不言望援似同招隱頗佳言情固以不言爲高也惟斗水餘明寓意在先一轉忽不可

尋謬爲高寄

溫子昇

字鵬舉其先太原人祖避難家於濟陰熙平初舉高第擢御史孝莊卽位補南主客

郎中遷散騎常侍侍中大將軍領本州大中正齊文襄引以爲諮議及元瑾荀濟等作亂文襄

疑子昇知其謀

下晉陽獄死

燉煌樂

客從遠方來相隨歌且笑自有燉煌樂不減安陵調

涼州樂歌二首

遠遊武威郡遙望孤城城車馬相交錯歌吹日縱橫

其二

路出玉門關城接龍城阪但事絃歌樂誰道山川遠

擣衣

長安城中秋夜長佳人錦石擣流黃香杵紋砧知近
遠傳聲遙響何淒涼七夕長河爛中秋明月光蠨蟪

寒邊絕候雁鴛鴦樓上望天狼

稍見風華
尚不滴質

從駕幸金墉城

茲城實佳麗飛甍自相竝膠葛擁行風岩堯闕流景
御溝屬清洛馳道通丹屏湛淡水成文參差樹交影
長門久已閉離宮一何靜細草緣玉階高枝蔭桐井
微微夕渚暗肅肅暮風冷神行揚翠旗天臨肅清警
伊臣從下列逢恩信多幸康衢雖已泰弱力將安騁

雖近梁陳之詞
猶存三謝之氣

詠花蝶

素蝶向林飛紅花逐風散花蝶俱不息紅素還相亂
芬芬共襲手葳蕤從可玩不慰行客心遽動離居歎

寫得
飄蕭

相國清河王挽歌

高門詎改轍曲沼尚餘波何言吹樓下翻成薤露歌

淺中
見致

北齊

郊廟歌辭

陸卬等奉詔作

歷代吟譜曰陸卬字雲駒累遷給事黃門侍郎吏部郎中齊之郊廟諸歌多卬所製

南北郊迎神高明樂

登歌
辭同

惟神鑒矣

北郊云惟
祇監矣

皇靈肅止圓璧

北郊云
方琮

展事成

文卽始

北郊云卽
陰成理

士備八能樂合六變

北郊云
八變

風奏

伊雅光華襲薦宸衛騰景靈駕霏烟嚴壇生白綺席
凝元

南北郊送神高明樂

獻享畢懸佾周神之駕將上遊

北郊云將下遊

超斗極絕河

流

北郊云超荒極憩崑丘

懷萬國寧九州欣帝道心顧畱市上

下荷皇休

明堂祀五帝迎神高明樂

祖德光國圖昌祇上帝禮四方闕紫宮動華闕龍虎
奮風雲發飛朱雀從玄武攜日月帶雷雨耀宇內溢
區中眷帝道感皇風帝道康皇風扇黍盛列椒醑薦

神且寧會五精歸福祿幸閭亭

明堂祀五帝送神高明樂

太祖配

青陽奏發朱明歌西皓唱玄冥大禮罄廣樂成神心
懌將遠征飾龍駕矯鳳旌指閭闔憩層城出溫谷邁
炎庭跨西汜過北溟忽萬億耀光精比電驚與雷行
嗟皇道懷萬靈固王業震天聲

享廟送神高明樂

仰棖栢慕衣冠禮云罄祀將闕神之駕紛奕奕乘白

雲無不適窮昭域極幽塗歸帝祉眷皇都

齊郊祀多以高明樂

送神每至此篇常小有致

燕射歌辭

元會大饗歌二首

皇夏

皇帝出閣奏

夏正肇旦周物充庭具條在位俛伏無聲大君穆穆
宸儀動睟日煦天廻萬靈胥萃

寫得肅然

皇夏

皇帝入宇變服黃鐘太簇二廟奏

我膺天曆四海爲家協同內外混一戎華鶴蓋龍馬
風乘雲車夏章夸服其會如麻九賓有儀八音有節
肅肅於位飲和在列四序氤氲三光昭晰君哉大矣
軒唐比轍

邢劭

字子才河間鄆人釋褐爲魏武掇郎累除國子祭酒齊宣武輔政徵爲賓客除黃門侍郎

遷太常卿

授特進

思公子

綺羅日減帶桃李無顏色思君君未歸歸來豈相識

北朝詩於淡中見情與南朝浮華自別

三日華林園公宴

迴鑾自樂野弭蓋屬瑤池五丞接光景七友樹風儀
芳春時欲遽覽物惜將移新萍已冒沼餘花尚滿枝
草滋徑蕪沒林長山蔽虧芳筵羅玉俎激水漾金卮

歌聲斷以

一作且

續舞袖合還離

卽事敘景都無繁音

冬夜酬魏少傅直史館

年病從橫至動息不自安
兼豆未能飽重裘詎解寒
况乃冬之夜霜氣有餘酸
風音響北牖月影度南端
燈光明且滅華燭新復殘
衰顏依候改壯志與時闌
體羸不盡帶髮落強扶冠
夜景將欲近夕息故無寬
忽有清風贈辭義婉如蘭
先言歎三友次言慙一官
麗藻高鄭衛專學美齊韓
審論雖有屬筆削少能干
高足自無限積風良可搏
空想青門易寧見赤松難

寄語東山道高駕且盤桓

述情
條次

冬日傷志篇

昔時情遊士任性少矜裁朝驅瑪瑙勒夕銜熊耳杯

折花步

一作贈

淇水撫瑟望叢臺繁華夙昔改衰病一

時來重以三冬月愁雲聚復開天高日色淺林勁鳥聲哀終風激簷宇餘雪滿條枚遨遊昔宛洛脚躋今

草萊時事方去矣撫已獨傷懷

質言情切

七夕

盈盈河水側朝朝長歎息不恡漸衰苦波流詎可測
秋期忽云至停梭理容色束衿未解帶迴鑿已沾臆
不見眼中人誰堪機上織願逐青鳥去甃因希羽翼

自詠所懷非爲天孫也語殊悲

齊韋道遜晚春宴

詩紀云觀題似韋道遜所作
文苑英華作邢邵姑列于此

日斜賓館晚風輕
麥候初簷喧巢幕
燕池躍戲蓮魚
石聲隨流響桐影
傍巖疎誰能千里外
獨寄八行書

言對景懷友書去不足言懷也
石聲句生動以聲歸石甚新

魏收

字伯起鉅鹿下曲陽人仕魏典起居注兼中書舍人與溫子昇邢子才齊名世號三才天保初除中書令兼著作郎後除光祿大夫尚書右僕射特進諡文貞

永世樂

綺窻斜影入上客
酒須添翠羽方開
美鈴華汗不霑

關門今可下落珥
不相嫌

起句有生致

權歌行

古詩選

卷之三十一

七

雪溜添春浦花水足新流桃發武陵岸柳拂武昌樓

不言權而

景自佳

挾琴歌

春風宛轉入曲房兼送小苑百花香白馬金鞍去未
返紅妝玉筍下成行

晦日汎舟應詔

裊裊春枝弱關關新鳥呼棹唱忽逶迤菱歌時顧慕
睿賞芳月色宴言忘日暮游豫慰人心照臨康國步

短章顧

有餘韻

祖珽

字孝徵瑩之子起家祕書郎後主時佞於陸
媼拜尚書左僕射封燕國公專主機衡後以

罪出爲北
徐州刺史

從北征

翠旗臨塞道靈鼓出桑乾祁山斂霧瀚海息波瀾
戍亭秋雨急關門朔氣寒方繫單于頸歌舞入長安

北朝之風僅
能具體若此

望海

登高臨巨壑不知千萬里雲島相接連風潮無極已
時看遠鴻度乍見驚鷗起無待一作不假送將歸自然傷

客子

前四句
浩漭

挽歌

昔日

一作時

驅駟馬謁帝長楊宮旌懸白雲外騎獵紅

塵中今來向漳浦素蓋轉悲風榮華與歌笑萬里盡

成空

素蓋轉悲風唐人佳句

裴讓之

字士禮河東聞喜人魏天平中舉秀才遷主客郎歷中書舍人散騎常侍及齊受禪

封宜都縣男尋除清和太守後被罪賜死

公館讌酬南使徐陵

嵩山表京邑鍾嶺對江津方域殊風壤分野各星辰
出境君圖事尋盟我恤鄰有才稱竹箭無用忝絲綸
列樂歌鍾響張旃玉帛陳皇華徒受命延譽本無因
韓宣將聘楚申胥欲去秦方期一作當飲河朔翻屬臥

漳濱禮酒盈三獻賓筵盛八珍歲稔鳴銅雀兵戢坐
金人雲來朝起蓋日落晚摧輪異國猶兄弟相知無

舊新

語頗得體兵戢坐金人坐字佳

裴訥之

字士言讓之弟弱冠爲平原公掌書記文宣朝累官至太子舍人

鄴館公讌

晉楚敦盟好僑札同心賞禮成樽俎陳樂和金石響
朝雲駕馬進曉日乘龍上雙闕表皇居三臺映仙掌
當階篁篠密約岸芙蓉長束帶盡欣娛誰言鶩歸兩

劉逖

字子長彭城人文襄以爲永安公參軍武成時遷散騎常侍未幾與崔季舒等同戮

對雨

重輪宵犯畢行雨且浮空細落疑含霧斜飛覺帶風
濕槐仍足綠沾桃更上紅無由似玄豹縱意坐山中
稍能有作意佳在
五六以拙見致

秋朝野望

駐車憑險岸飛蓋歷平湖菊寒花稍發蓮秋葉漸枯
向浦低行雁排空轉噪鳥若將君共賞何處減城隅

排空
句活

浴溫湯泉

驪岫猶懷土新豐尚有家神井堪消疹溫泉足蕩邪
紫苔生石岸黃沫擁金沙振衣殊未已翻能停使車

黃沫句生動○紫苔黃沫
並是湯泉景物殊有煥意

高昂

字敖曹河內蔣人膽力過人少不師訓齊神武起昂傾意附之因成霸業除侍中司徒兼

西南道都督酷好爲詩雅有情致時人稱焉

贈弟季式

季式爲濟州刺史敖曹發驛以勸酒乃贈

憐君停欲死天上人間無可比走馬海邊射遊鹿偏

坐石上彈鳴雉昔時方伯願三公今日司徒羨刺史

健異不恒走馬二句尤異大較是不稱意而翻羨外郡也從軍與相州刺史孫騰云春甲長驅不可息六日六夜三度食初時言作虎牢更被處置河橋北語亦健寫從軍勞苦甚悉措闕一字後二句不振故

不入選

鄭公超

後主時爲奉朝請待詔文林館與祖珽等同撰御覽

送庾羽騎抱

舊宅青山遠歸路白雲深
遲暮難爲別搖落更傷心
空城落日影迥地浮雲陰
送君自有淚不假聽猿吟

楊訓

後主時爲通直散騎侍郎
待詔文林館同修御覽

羣公高宴

中郎敷奏罷司隸造朝歸開筵
引貴客饌玉對春暉
塵起金吾騎香逐令君衣
綠酒犀爲椀鳴琴寶作徽
寸陰良可惜千金本易揮

簡稱

袁奭

字元明陳郡人梁司空昂之孫蕭莊時以侍
中奉貢至齊及莊敗除瑯琊王儼大將軍諮

議入文林館
遷大中大夫

從駕遊山

天遊響仙蹕春望動神衷澗水含初溜山花發早叢
玉輿明淑景珠旗轉瑞風平原與上路一作洛佳氣遠

惘惘

音亮固似南人

荀仲舉

字士高潁川人世江南仕梁爲南沙令後至北齊入文林館以年老家貧出爲義寧

太守○樂府玉臺俱作陳人

銅雀臺

高臺秋色晚直望已悽然况復歸風便松聲入斷弦
淚逐梁塵下心隨團扇捐誰堪三五夜空對月光圓

淺直

有倩

蕭愨

字仁祖蘭陵人梁宗室上黃侯曄之子天保

中入齊武定中爲太子洗馬後主時爲齊州錄事參軍待詔文林館後入隋○蕭仁祖之在北朝可稱大家掩映風華足以競爽陳英振開

唐彦

上之回

發朝城西時回輿事北遊山寒石道凍葉下故宮秋

朔路傳清警邊風卷畫旒歲餘巡省畢擁仗

一作按節返

皇州

直是盛唐固亦南調邊風卷畫旒卷字雋○北朝詩有雋致者如盧詢中婦織流黃中有然香

望韓壽磨鏡待秦嘉然字磨字可稱新逸又曰下簾還憶月挑燈更惜花亦入情惜後有似天河上景不

成句法故不載

和崔侍中從駕經山寺

鈞陳夜警徼河漢曉參

一作縱

橫游騎騰文馬前驅轉

翠旄野禽喧曙色山樹動秋聲雲表金輪見巖端畫
棋明塔疑從地涌蓋似積香成泉高下溜急松古上
枝平儀台多北思麗藻蔚緣情自嗤非照廡一作
來何
以繼連城秀句有初唐風味
泉高二句更佳

屏風

秦皇臨碣石漢帝幸明庭非關重遊豫直是愛長齡
讀記知州所觀圖見岳形曉識仙人氣夜辨少微星
服銀有祕術蒸丹傳舊經風搖百影樹花落萬春亭
飛流近更白叢竹遠彌青逍遙保清暢因持悅性情

豨句秀
亮不羣

秋思

顏氏家訓曰蘭陵蕭愨工於篇什嘗有秋思詩曰芙蓉露下落楊柳月中疎時人未

之賞也吾愛其蕭散宛然在目顏川荀仲舉
邛那諸葛漢亦以爲爾而盧思道之徒雅所
不
愜

清波收潦日華林鳴籟初芙蓉露下落楊柳月中疎

燕帷細綺被趙帶流黃裾相思阻音息

玉臺作信結夢感

離居

三四固是佳
句不須矜琢

春日曲水

落花無限數飛鳥排花度禁苑至饒風吹花春滿路
巖前片石迴如樓水裏連沙聚作洲二月鶯聲纔欲

斷三月春風已復流
分流繞小渡
壑水還相注
山頭望水雲
水底看山樹
舞餘香尚存
歌盡聲猶住
麥壟一驚顰
菱潭兩飛鷺
飛鷺復驚顰
傾曦帶掩扉
芳飈翼還憶
藻露挹行衣

畱遊景物
態有餘妍

陽休之

字子烈北平無終人固之子初仕魏累官給事黃門侍郎入齊遷吏部尚書左僕射

周武平齊隨駕赴長安歷納言太子少保上開府除和州刺史隋開皇二年罷任終於洛陽

春日

遲遲暮春日
靄靄春光上
柔露洗金盤
輕絲輟珠網
漸看階蔭蔓
稍覺池蓮長
蝴蝶映花飛
楚雀緣條響

寫景粗生動○三四佳在柔字輕字五六有漸看稍覺字則蔓字長字活末句緣字有態響字有聲

古詩選

卷之三十一
北齊

五

秋詩

日照前窻竹露濕後園薇
夜蛩扶砌響輕蛾遶燭飛

扶字與依字同音
而較渾輕字亦佳

顏之推

字介珉 琅琊沂人 初爲梁湘東王常侍元
帝卽位爲散騎侍郎後爲周軍所破奔齊
累官黃門侍郎平原太守齊亡入周爲御
史上士隋開皇中太子召爲太學以疾終

神仙

紅顏恃容色青春矜盛年
自言曉書劍不得學神仙
風雲落時後歲月度人前
鏡中不相識捫心徒自憐
願得金樓要思逢玉鈐篇
九龍遊弱水八鳳出飛煙
朝遊采瓊實夕宴酌膏泉
崑嶸下無地列缺上陵天

舉世聊一息中州安足旋

稍有古韻○歲月
度人前語可慨

古意二首

十五好詩書二十彈冠仕楚王賜顏色出入章華裏
作賦凌屈原讀書誇左史數從明月讌或侍朝雲祀
登山摘紫芝泛江採綠芷歌舞未終曲風塵暗天起
吳師破九龍秦兵割千里狐兔穴宗廟霜露沾朝市
壁入邯鄲宮劍去襄城水未獲殉陵墓獨生良足恥
憫憫思舊都惻惻懷君子白髮鬪明鏡憂傷沒余齒

直進至哀淋漓
酸楚音節亦老

其二

寶珠出東國美玉產南荆
隋侯曜我色卞氏飛吾聲
已加明稱物復飾夜光名
驪龍旦夕駭白虹朝暮生
華彩燭兼乘價值詎連城
常悲黃雀起每畏靈蛟迎
千刃安可捨一毀難復營
昔爲時所重今爲時所輕
願與濁泥會思將垢石并
歸真山岳下抱潤潛其榮

竟敘懷來亦復贊有其古

和陽納言聽鳴蟬篇

隋盧思道同賦

聽秋蟬秋蟬非一處
細柳高飛夕長楊
明月曙歷亂起秋聲
參差攪人慮單吟如轉蕭
羣噪學調笙風飄流曼響
多舍斷絕聲垂陰自有樂
飲露獨爲清短綏

何足貴薄羽不差輕塘蝦駟下偏難見翡翠竿頭絕
易驚容止由來桂林苑無事淹流南斗城城中帝皇
里金張及許史權勢熱如湯意氣諱城市劍影奔星
落馬色浮雲起鼎俎陳龍鳳金石諧宮徵關中滿季
心關西饒孔子詎用虞公立國臣誰愛韓王游說士
紅顏宿昔同春花素鬢俄頃變秋草中腸自有極
那堪教作轉輪車此篇見初學記紅顏以下脫誤俟再考○垂陰四句托比佳關中四句切只如此亦可住紅顏二句倒置便可誦

趙儒宗

詠龜詩

有靈堪託夢無心解自謀不能著下伏強從蓮上遊
負圖非所冀支牀空見隔儻蒙一曳尾當爲屢回頭

托比宛轉迴合結屬對
有致使事運以意便佳

馮淑妃

名小憐齊穆后從婢也穆后愛衰

以五月五日蓮之號曰續命慧黠工歌舞
後主惑之立爲左皇后周師取平後主以淑妃
奔洪洞戍復奔青州爲周武所獲以賜代王達
達甚愛之

感琵琶

淑妃侍代王達彈琵琶因沙斷作詩曰

雖蒙今日寵猶憶昔時憐欲知心斷絕應看膝上弦

誰能於此時尚道真情此女子大奇詩
紀以屬齊有以也李長吉奈何嘲之

采菽堂古詩選

卷之三十一終

采菽堂古詩選卷之三十二目次

北周一

郊廟歌辭

圜丘歌八首

方澤歌三首

祀五帝歌十二首 宗廟歌十首

大禘歌二首

燕射歌辭

宮調曲四首 變宮調二首

商調曲三首 角調曲二首

徵調曲三首 羽調曲四首

明帝

貽韋居士

過舊宮

蕭撝

勞歌

宗懌

和歲首寒望

王褒

從軍行

長安有狹邪行

輕舉篇

出塞

關山月

長安道

遊俠篇

古曲

高句麗

燕歌行

日出東南隅行

入朝守門開

贈周處士

奉和趙王途中五韻

和張侍中看獵

玄圃濬池臨泛奉和

和從弟祐山家

送觀寧侯葬

渡河北

詠月贈人

入關故人別

雲居寺高頂

采菽堂古詩選

卷之三十二

虎林陳祚明亂倩父評選

北周一

郊廟歌辭

周郊廟諸曲既出庾公典采豐葩體裁雅正有清氣以運之殊於列朝質重之

響且又辭意穩切間有丰神傷此鉅才不得與相如之流振興雅頌中微寄慨惋何如

園丘歌八首

庾信

下並同

明帝韋魏氏之樂而未臻雅正天和元年武帝初造山雲舞以備六代南北郊雩壇太廟禘祫俱用之六舞者大夏大濩大武正德武德山雲也於是正定雅音爲郊廟樂宣帝嗣位皆循用之○園丘方澤歌典

昭夏

降神

雅春容風華掩映可名作者

重陽禋祀大報天丙午對壇肅且團孤竹之管雲和
絃神光未樂府作來下風肅然王城七里通天臺紫微斜
照影徘徊連珠合璧重光來天策蹇轉鈞陳開

皇夏

皇帝入門

旌廻外壘蹕靜郊門千乘按轡萬騎雲屯藉茅無咎
掃地唯尊揖讓展禮衛璜節步星漢就列風雲相顧
取法於天降其永祚

昭夏

奠玉帛

圓玉已奠蒼幣斯陳瑞形成象璧氣含春禮從天數
智總圓神爲祈爲祀至敬咸遵

雲門舞

初獻
配帝

長丘遠歷大電遙源弓藏高隴鼎沒寒門人生于祖
物本于天奠神配德迄用康年

登歌

初獻及獻
配帝畢奏

歲之祥國之陽蒼靈敬翠雲長象爲飾龍爲章乘長
日坯螿戶烈雲漢迎風雨六呂歌雲門舞省滌濯奠
牲牲鬱金酒鳳凰樽廻天睠顧中原

皇夏

飲福
酒

國命在禮君命在天陳誠唯肅飲福唯虔洽斯百禮
福以千年鈎陳掩映天駟徘徊彫禾飾聳翠羽承壘

受斯茂祉從天之來

雍夏 敬奠

禮將畢樂將闌迴日轡動天關翠鳳搖和鸞響五雲
飛三步上風爲馭雷爲車無轍迹有烟霞暢皇情休
靈命雨畱甘雲餘慶 生動處稍類漢人

皇夏

還便殿

王帛禮畢神人事分敬承乃瞻瞻仰迴雲輦路千門
王城九軌式道移候司方迴指得一惟清於萬斯寧
受茲景命于天告成

方澤歌三首

方澤舞辭
同園丘

昭夏 降神

報功陰澤展禮元郊平琮鎮瑞方鼎升庖調歌孫竹
縮酒江茅聲舒鐘鼓噐質陶匏列曜秀華凝芳都荔
川澤茂祉丘陵容衛雲飾山囀蘭浮汎齊日至之禮
歆茲大祭

登歌 初獻

質明孝敬求陰順陽壇有四陛琮分八方牲牲蕩滌
蕭合馨香和鑾戾止振鷺來翔威儀簡簡鐘鼓喤喤
聲和孤竹韻入空桑封中雲氣坎上神光下元之主
功深蓋藏

皇夏

望坎位

司筵撤席掌禮移次迴顧封壇恭臨坎位瘞玉埋俎
藏芬斂氣是曰就幽成斯地意

祀五帝歌十二首

五帝歌分稱典列

皇夏

奠玉帛

嘉玉惟芳嘉幣惟量成形惟

一作衣

禮稟色隨方神班

其次歲禮惟常威儀抑抑率由舊章

皇夏

初獻

惟令之月惟嘉之辰司壇宿設掌史誠陳敢用明禮
言功上神鈞陳旦闢闔朝分旒垂象冕樂奏山雲

將迴霆策蹶轉天文五運周環四時代序鱗次玉帛
循迴樽俎神其降之介福斯許

青帝雲門舞

以下並
初獻奏

甲在日鳥中星禮東后奠蒼靈樹春旗命青史候雁
還東風起歌木德舞震宮泗濱石龍門桐孟之月陽
之天億斯慶兆斯年

配帝舞

帝出于震蒼德于神其明在日其位居春勞以定國
功以施人言從配祀近取諸身

赤帝雲門舞

招搖指午對南宮日月相會實沈中離光布政動溫
風純陽之月樂炎精赤雀丹書飛送迎朱絃絳鼓罄
虔誠萬物含養各長生

配帝舞

以炎爲政以火爲官位司南陸享配離壇三和實俎
百味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鍾始變宮
平琮禮內鎮陰管奏司中齋壇芝曄曄清野桂馮馮
夕牢芬六鼎安歌韻八風神光乃超忽嘉氣恒葱蔥

配帝舞

四時咸一德五氣或同論
猶吹鳳凰管尚對梧桐園
器園居士厚位總配神尊
始知今奏樂還用我雲門

奇哉此中亦寓感慨耶○
諸樂章止此一首可見志

白帝雲門舞

肅靈兌景承配秋壇雲高火落露白蟬寒帝律登年
金精行令瑞獸霜耀祥禽雪映司藏肅殺萬寶咸宜
厥田上上收功在斯

配帝舞

金行秋令白帝朱宣司正五雉歌庸九川執文之德

對越彼天介以福祉君子萬年

黑帝雲門舞

北辰爲政玄壇北陸之祀員官宿設玄璜浴蘭坎德
陰風御寒次律將迴窮紀微陽欲動細泉管猶調於
陰竹聲未入於春弦待歸餘於送歷方履慶於斯年

配帝舞

地始坼虹始藏服玄玉居玄堂沐蕙氣浴蘭湯匏器
潔水泉香涉配彼福無疆君欣欣此樂康

楚辭遺調

宗廟歌十首

宋廟歌分詠諸帝並不泛

皇夏

皇帝入廟門

肅肅清廟巖巖寢門
啟噐防滿金人戒言
應棟懸鼓崇牙樹羽
階變升歌庭紛象舞
閑安象設緝熙清奠
春鮪初登新萍先薦
儼然入室儼乎在位
悽愴履之非寒之謂

昭夏 降神

永維祖武潛慶靈長
龍圖革命鳳曆歸昌
功移上參德耀中陽
清廟肅肅猛簾煌煌
曲高大夏聲和盛唐
牲牲蕩滌蕭合馨香
和鑾戾止振鷺來翔
永敷萬國是則四方

皇夏

獻皇高祖○各廟語俱稱

慶緒千重秀洪源萬里長無時猶戢翼有道故韜光
盛德必有後仁義終克昌明星初肇慶大電久呈祥

皇夏

獻皇曾祖
德皇帝

克昌光上烈基聖穆西藩崇仁高涉渭積德被居原
帝圖張往迹王業茂前尊重芬德陽廟疊慶壽陵園
百靈光祖武千年福孝孫

皇夏

獻皇祖太
祖文皇帝

雄圖屬天造宏略遇羣飛風雲猶聽命龍躍遂乘機
百二當天險三分拒樂推函谷風塵散河陽氛露晞
濟弱淪風起扶危頽運歸地紐崩還正天樞落更追

原祠乍超忽畢隴或綿徽終封三尺劍長卷一戎衣

皇夏

獻文宣
皇太后

月靈與慶沙祥發源功參禹迹德贊堯門言容典禮
綸狄徽章儀形溫德令問昭陽日月不居歲時晚晚
瑞雲纏心闕宮惟遠

雅有
至情

皇夏

獻閔
皇帝

龍圖基代德天步屬艱難謳歌還受瑞揖讓乃登壇
升輿芒刺重入位據關寒卷舒雲汎濫游揚日浸微
出鄭終無反居桐竟不歸祀夏今惟舊尊靈諡更追

皇夏

獻明
皇帝

若水逢降君窮桑屬惟政丕哉馭帝籙鬱矣當天命
方定五雲官先齊八風令文昌氣似珠太史河如鏡
南宮學已開東觀書還聚文辭金石韻毫翰風颭豎
清室桂馮馮齊房芝詡詡寧思玉管笛空見靈衣舞

皇夏

獻高祖
武皇帝

南河吐雲氣北斗降星辰百靈咸仰德千年一聖人
書成紫微動律定鳳凰馴六軍命西土甲子陳東鄰
戎衣此一定萬里更無塵煙雲同五色日月並重輪
流沙旣西靜蟠木又東臣凱樂聞朱雁饒歌見白麟
今爲六代祀還得九疑賓

公最不忘於此更
一舉揚中情何如

皇夏

還便殿

庭闕四始筵終三薦顧步堦墀徘徊餘奠六龍矯首
七萃警途鼓移行漏風轉相鳥翼翼從事綿綿四時
惟神降嘏永言保之

大禘歌二首

昭夏

降神

律在夾鍾服居蒼袞杳杳清思綿綿長遠就祭于合
班神于本來庭有序助祭有章樂舞六代賓歌三王
和鈴以節倕革斯鏘齊宮饌玉鬱竽浮金洞庭鍾鼓
龍門瑟琴其樂已變惟神是臨

登歌

奠玉帛○餘
同宗廟時享

神惟顯思不言而令玉帛之禮敢陳莊敬奉如弗勝
薦如受命交于神明懋于言行

凝重

燕射歌辭

燕射歌淋漓酒杯寫別爲一格中每
有至言當存以備省覽不作詩觀

宮調曲四首

我皇承下武革命在君臨應圖當舜玉嗣德受堯琴
沈首多推運陽城有讓心就日先知遠觀淵早見深
玄精實委御蒼正乃皆平履端朝萬國年祥慶百靈
玉帛咸觀禮華戎各在庭鳳響中夷則天方正玉衡
皇基自天保萬物乃由庚

其二

握衡平地紀觀象正天樞祺祥鍾赤縣靈瑞炳皇都
更受昭華玉還披蘭葉圖金波來白兔弱木下蒼烏
玉斗調元協金沙富國租青丘還擾圃丹穴更巢梧
安樂新成慶長生百福符

其三

明明九族序穆穆四門賓陰陵朝北附蟠木引東臣
澗途求版築溪源取釣綸多士歸賢戚維城屬茂親
貴位連南斗高榮據北辰迎時乃推策司職且班神
日月之所照霜露之所均永從文軌一長無外戶人

其四

鬱盤舒棟宇崢嶸侔大壯拱木詔林衡全模徵梓匠
千櫨綺翼浮百拱長虹抗北去邯鄲道南來偃師望
龍首載文椀雲楣承武帳居者非求隘卑宮豈難尚
壯麗天下觀是以從蕭相

變宮調二首

帝遊光出震君明擅在離巖廊惟眷顧欽若尚無爲
龍穴非難附鸞巢欲可窺具茨應不遠汾陽寧足隨
烝民播植重溝洫劬勞多桑林還注雨積石遂開河
明徵逢永命平秩值年和更有薰風曲方聞晨露歌

其二

移風廣軒曆崇德盛唐年成文興大雅出濠動鈞天
黃鍾六律正閭闔八風宣孤竹調陽管空桑節雅弦
舞林鸞更下歌山鳳欲前聞音能辨俗聽曲乃思賢
感物觀治亂心恒防未然君子得其道太平何有焉

商調曲三首

君以宮唱寬大而謨明臣以商應聞義則可行有熊
爲政訪道于容成殷湯受命委任于阿衡忠其敬事
有罪不逃刑誦其箴諫言之無隱情有剛有斷四方
可以寧旣頌旣雅天下乃升平專精一致金石爲之

北周一
開動其兩心妻子恩情乖苟利社稷無有不盡懷昊
天降祐元首唯康哉

其二

百川俱會大海所以深羣材既聚故能成鄧林猛虎
在山百獸莫敢侵忠臣處國天下無異心昔我文祖
執心且危慮驅剪豺狼經營此天步今我受命又無
敢逸豫惟爾弼諧各可知兢懼

其三

禮樂既正神人所以和玉帛有序志欲靜干戈各分
符瑞俱誓裂山河今日相樂對酒且當歌道德以喻

聽撞鐘之聲神姦不若觀鑄鼎之形鄴宮旣朝諸侯
于是穆岐陽或狩淮夷自此平若涉大川言憑于舟
楫如和鼎實有寄于鹽梅君臣一體可以靜氛埃得
人則治何世無奇才

角調曲二首

止戈見于絕轡之野稱伐聞于丹水之征信義俱存
乃先忌食五材並用誰能去兵雖聖人之大寶曰位
實天地之大德曰生涇渭同流清濁異能琴瑟並御
雅鄭殊聲擾擾烝人聲教不一茫茫禹跡車軌未并
志在四海而尚恭儉心包宇宙而無驕盈言而無文

行之不遠義而無立勤則無成惻隱其心訓以慈惠
流宥其過哀矜典刑

其二

匡贊之士或從漁釣雲雨之才乍歎幽谷尋芳者追
深徑之蘭識韻者探一作採窮山之竹克明其德貢以

三事樹之風聲言于九牧協用五紀風若從事農用
八政甘作其穀殊風共軌見之周南異畝同穎聞之
康叔祁寒暑雨是無胥怨天覆雲油滋焉滲漉幸無
謝上古之淳人庶可以封之于比屋

徵調曲三首

聖人千年始一生黃河千年始一清攝提以之而從
紀玉燭于是而文明東南可以補地闕西北可以正
天傾浮龜則東海可厲運錡則南山可平衆仙就朝
于瑤水羣帝受享于明庭懷和則鞅任並奏功烈則
鐘鼎俱銘

其二

纖纖不絕林薄成涓涓不止江河生事之毫髮無謂
輕慮遠防微乃不傾雲官乃垂拱大君鳳曆唯欽明
元首類上帝而禋六宗望山川而朝羣后地鏡則山
澤俱開河圖則魚龍合負我之天網莫不該閭闔九

關天門開卿相則風雲玄感匡贊則星辰下來既興
周室之三聖乃舉唐朝之八才莘臣參謀于左相大
老教政于中台其宜作則于明哲故無崇信于姦回

其三

正陽和氣萬類繁君王道合天地尊黎人耕植于義
圃君子翱翔于禮園落其實者思其樹飲其流者懷
其源咎繇爲謀不仁遠士會爲政羣盜奔克寬則昆
蟲內向彰信則殊俗宅心浮橋有月支抱馬上苑有
烏孫學琴赤玉則南海輸賚白環則西山獻琛無勞
鑿空于大夏不待蹶角于蹄林

羽調曲四首

運平後親之俗特亂先疎之雄踰桂林而驅象濟弱
水而承鴻既浮干呂之氣還吹八律之風錢則都內
貫朽倉則常平粟紅火中乃寒乃暑年和一風一雨
聽鐘磬念封疆聞笙竽思蓄聚瑤琨篠簜既從怪石
鉛松卽序長樂善馬成廢水衡黃金爲府

其二

百川乃宗巨海衆星是仰北辰九州攸同禹跡四海
合德堯臣朝陽栖于鳴鳳靈時牧于般麟雲玉葉而
五色月金波而兩輪涼風迎時北狩小暑戒節南巡

山無藏於紫玉地不愛于黃銀雖南征而北怨實西
略而東賓既永清于四海終有慶于一人

其三

定律零陵玉管調鐘始平銅尺龍門之下孤桐泗水
之濱鳴石河靈于是讓珪山精所以奉璧滌九川而
賦稅乘三危而納錫北里之禾六穗江淮之茅三春
可以玉檢封禪可以金繩探冊終永保於鴻名足揚
光于載籍

其四

太上之有立德其次之謂立言樹善滋于務本除惡

窮于塞源冲深其智則厚昭明其道乃尊仁義之財
不匱忠信之禮無繁動天無有不屈唯時無幽不徹
作德心逸日休作僞心勞日拙自非剛克掩義無所
離于勦絕

明帝

姓宇文氏諱毓文帝長于魏大統中封寧都郡公周閔帝受禪進柱國岐州刺史及閔帝廢朝廷乃迎立之在位四年

貽韋居士

韋復字敬遠杜陵人志尚簡澹州郡徵辟並不就周文帝經綸王業側席禮聘竟不能屈時人號爲居士明帝卽位禮敬愈厚乃爲詩以貽之復答詩願時朝謁帝大稅救有司日給酒一升號曰逍遙公

六爻貞遯世三辰光少微頰陽去猶

英華作讓逾

遠滄洲

遂去

一作

不歸風動秋蘭佩香飄蓮葉衣坐石窺仙洞

乘槎下釣磯嶺松千仞直巖泉百丈飛聊登平樂觀

遙想首陽薇儻能同四隱來參余萬機

遙想之情渴甚緇衣風動

亦活

過舊宮

明帝二年九月丁未行幸同州故宅賦詩

玉燭調秋氣金輿歷舊宮還如過白水更似入新豐

秋潭漬晚菊寒井落疎桐舉杯延故老今聞歌大風

雅稱

蕭撝

字智遐梁安成王秀之子封永豐侯歷黃門侍郎侯景作亂從武陵王紀爲征西大將軍

守成都以周文帝見討遂歸西魏授侍中武帝時爲文學博士歷少傅封蔡陽郡公

勞歌

百年能幾許公事罷平生寄言任立政誰憐李少卿

宗懷

字元懷南陽涅陽人居江陵元帝鎮荊州時以爲記室帝卽位累遷吏部尚書及江陵平

入關拜車騎大將軍儀同三司

和歲首寒望

旅騎出平原鉦饒遍野喧接里開都邑連車駐小門
稻車迴故塢獵馬轉新村古碑空戴石山龕未上幡
所言春不至未有桃花源

王裒

字子深琅琊臨沂人儉之曾孫規之子也仕梁歷吏部尚書右僕射荊州破入長安授車騎大將軍明帝卽位篤好文學時裒與庾信才名最高特加親待尋加開府儀同三司武帝時

爲太子少保遷少司空出爲宣州刺史○王子
深詩淹雅是南朝作家輒有好句足開初唐之
風傷歸北地如夏蟬經
秋獨樹孤吟纏綿不已

從軍行

兵書久閑習征戰數曾經講戎平樂觀學戲

一作覽劍羽

林亭西征度疎勒東驅出井陘牧馬濱長涓營軍毒

上涇平雲如陣色半月類城形羽書封信璽詔使動

流星對岸流沙白綠河柳色青將幕恒臨斗旌門常

背邢勲封瀚海石功勒燕然銘兵勢因麾下軍圖送

掖庭誰憐下玉筋向暮掩金屏

鋪敘雅暢

長安有狹邪行

威

一作透

紆狹邪道車騎動相喧博徒稱劇孟遊俠號

王孫勢傾魏侯府交盡翟公門路邪勞夾轂塗艱倦

折轅日斜宣曲觀春還御宿園塗歌楊柳曲巷飲榭

花樽獨有遊梁倦

一作客

還守孝文園

緝雅塗歌巷飲起獨有字得法

輕舉篇

天地能長久神仙壽不窮白玉東華檢方諸西岳童
俄瞻少海北暫別扶桑東俯觀雲似蓋低望月如弓
看碁城邑改辭家墟巷空流珠餘舊竈種杏發新叢
酒釀瀛洲玉劍鑄昆吾銅誰能攬六博還當訪井公

看碁四

句不恒

古詩選

卷之三十一

去

出塞

飛蓬似征客千里自長驅塞禽唯有雁關樹但生榆
背山看故壘繫馬識餘蒲還因麾下騎來送月支圖
三齊略紀秦始皇至東海蟠蒲繫馬至今其地蒲生皆糾結○三四妙風土堪悲唐人多做之

關山月

關山夜月明秋色照孤城影
一作半形同漢陣輪滿作

全影逐吳兵天寒光轉白風多暈欲生寄言亭上吏遊
客解雞鳴有作意

長安道

槐衢回北第馳道度西宮樹陰連袖色塵影雜衣風

採桑逢五馬停車對兩童喧喧許史座鐘鳴賓未窮

三四生動
五六典雅

遊俠篇

英華作
俠客行

京洛出名謳豪俠競交遊河南期四姓關西謁五侯
鬪雞橫大道走馬出長楸桑陰徙將夕槐路轉淹留

結語
有意

古曲

一作
雜曲

青樓臨大道遊俠盡

一作
任

淹留陳王金被馬秦女桂

爲鈞馳輪洛城巷關雞南陌頭薄暮風塵起聊爲清
夜遊

高句麗

蕭蕭易水生波燕趙佳人自多傾
盃覆盃漼漼垂手

奮袖婆娑不惜黃金散盡只畏白日蹉跎

此詞宜存

燕歌行

哀作燕歌妙盡塞北苦寒之言元帝及諸文士和之而競爲悽切及江陵爲魏

師所破元帝

出降方驗焉

初春麗景鶯欲嬌桃花流水沒河橋
薔薇花開百重

葉楊柳拂地數千條隴西將軍號都護
樓蘭校尉稱

嫖姚自從昔別春燕分經年一去不相聞
無復漢地

關山月

一作長安月

唯有漠北薊城雲淮南桂中明月影

流黃機上織成文充國行軍屢築營
陽史討虜陷平

城城下風多能却陣沙中雪淺詎停兵屬國小婦猶
年少羽林輕騎數征行遙聞陌頭採桑曲猶勝邊地
胡笳聲胡笳向暮使人泣長望一作還使閨中空佇立桃
花落地杏花舒桐生井底寒葉疎試爲來看上林雁
應有遙寄隴頭書

日出東南隅行

曉星西北沒朝日東南隅陽窓臨玉女蓮帳照金鋪
鳳樓稱獨立絕世良所無鏡懸四龍網枕畫七星圖
銀鏤明光帶金地織成襦調弦大垂手歌曲鳳將雛
採桑三市路賣酒七條衢道逢五馬客夾轂來相趨

將軍多事勢夫聳好形模高箱照雲母壯馬飾當顛
單衣火浣布利劍水精珠自知心所愛仕宦執金吾
飛薨彫翡翠繡桷畫屠蘇銀燭附彈映雞羽黃金步
搖動襜褕兄弟五日時來歸高車竟道生光輝名唱
兩行堂上起鴛鴦七十階前飛少年任俠輕年月珠

丸出彈遂難追

詞采奔奏珠丸出彈遂成名語

入朝守門開

梁簡文有守東華門開詩

鳳池

一作直城

通複道嚴駕早凌晨鐵符行警曙銀燧未

開闔塹暗城無影晴新路不塵屯兵引畫劍騎吹動
班輪徒知仰睿藻抽辭殊未申

贈周處士

我行無歲月征馬屢盤桓
嶠曲三危岨關重九折難
猶持漢使節尚服楚臣冠
巢禽疑上幕驚羽畏虛彈
飛蓬去不已客思漸無端
壯志與時歇生年隨事闌
百齡悲促命數刻念餘歡
雲生隴坻黑桑疎薊北寒
鳥道無蹊徑清漢有波瀾
思君化羽翮要我鑄金丹

情事切

奉和趙王途中五韻

飄飄映車幕出沒望連旗
度雲還翊陣迴風卽送師
峽路沙如月山峯石似睂
村桃拂紅粉岸柳被青絲

錦城遙可望迴鞍念此時

句句並有作意出沒望連
旗便已佳出沒字旗行不

停連字
旗何多

和張侍中看獵

上林冬狩返園中講射歸還登宣曲觀更獵黃山圍
嚴冬桑柘慘寒霜馬騎肥縹盧隨兔起高鷹接雉飛
獨嗟來遠客辛苦倦邊衣

亦有
所感

玄圃濬池臨泛奉和

長洲春水滿臨汎廣川中石壁如明鏡飛橋類飲虹
垂楊夾浦綠新桃綠徑紅對樓還泊岸迎波斲守風
漁舟釣欲滿蓮房採半空於茲臨北闕非復坐墻東

頓有
避思

和從弟祐山家

結交非俗士仙侶自招攜
少華隱日月太乙尋虹霓
衆林積爲籟園竹茂成埤
幽谷曙無景荒途晝欲迷
滴瀝寒泉溜叫嘯秋猿啼
白雲帝鄉起神禽丹穴栖
箭篠時通徑桃李復成蹊
今身得其所羣物可令齊

境地
森瑟

送觀寧侯葬

蒙雨高峻極淮泗導清源
刑茅廣裂地跼萼盛開蕃
紛綸彤履彩從容瓊玉溫
衝飈搖栢榦烈火壯曾崑

疇昔同羈旅辛苦涉涼暄觀風方聽樂垂淚遽傷魂
造舟虛客禮高閑掩賓垣桂樹思公子芳草惜王孫
今晨向郊郭猶似背輶轅丹旒書空位素帳設虛樽
楚琴南操絕韓書舊說存西靡傷新樹東陵惜故園
自憐悲谷影彌愴玉關門餘輝盡天末夕霧擁山根
平原看獨樹臯亭望列村寂寥還益靜荒茫歸路昏
挽鐸已流唱歌童行自喧睠言千載後誰將遊九原

楚調流暢同是南人北
客存歎之感不覺纏綿

渡河北

秋風吹木葉還似洞庭波常山臨代郡亭障繞黃河

心悲異方樂腸斷隴頭歌薄暮臨征馬失道北山阿

舉目山河
淒其失路

詠月贈人

月色當秋夜斜暉映薄帷上弦如半璧初魄似娥眉
渡雲光忽駛中天影更遲高陽懷許掾對此益相思

五六
景活

入關故人別

百年餘古樹千里闡黃塵關山行就近相看成遠人

成字新
亦悲

雲居寺高頂

中峯雲已合絕頂日猶晴
邑居隨望近風煙對眼生

采菽堂古詩選

卷之三十二終